


OPTIMISMO DI COMERCIO A MENGUA UN POCO DEN E DI PROME TRIMESTER DI 2024, A CAUSA DI UN BAHADA DEN E INDICE DI CONDICION ECONOMICO ACTUAL

Comunicado di prensa¹
Resultado pa e di prome trimester di 2024

Banco Central di Aruba (BCA) a conclui e encuesta di percepcion di negoshi pa e di prome trimester di 2024. E encuesta di percepcion di negoshi ta evalua e percepcion economico di e negoshinan local.

Durante e di prome trimester di 2024, e asina yama 'Business Perception Index', cu ta consisti di e indicenan di condicion economico actual y condicion economico a corto plaso, a baha for di 106,9 den e trimester anterior te na 106,7 (mira Grafiek 1)². E resultado ta debi na un bahada den e indice di condicion economico actual, cual a wordo mitiga pa un crecimiento den e indice di condicion economico a corto plazo.

Grafiek 1: 'Business Perception Index'.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan

E indice di *condicion economico actual* a baha cu 1,6 punto di indice te na 105,2, compara cu 106,8 den e di cuater trimester di 2023. E indice di *condicion economico a corto plazo* a crece te na 108,8 den e di prome trimester di 2024 (Grafiek 2).


Grafiek 2: Condicion economico actual y condicion economico a corto plazo.



Fuente: Banco Central di Aruba

Den termino di expectativa relata na crecimiento economico como 56,4 porciento di negoshi encuesta ta anticipa un crecimiento economico positivo den e siguiente 12 luna. Esaki ta un bahada di 2,7 punto di porcentahe compara cu e trimester anterior. E porcentahe di negoshi encuesta cu ta anticipa un crecimiento economico negativo a crece cu 3,1 punto di porcentahe te na 7,7 porciento, mientras cu e porcentahe di negoshi encuesta cu ta premira un crecimiento economico flat a baha cu 0,5 punto di porcentahe (Grafiek 3).

Grafiek 3: Expectativa di crecimiento economico den e siguiente 12 luna



Fuente: Banco Central di Aruba

E relato completo di e encuesta di percepcion di negoshi ta disponibel ariba website di BCA www.cbaruba.org

Banco Central di Aruba

5 juni 2024



Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante Banco Central di Aruba, por bishita su website www.cbaruba.org
